



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XI. De Procuratoribus, & Diffinitoribus Provinciarum in Insulis Philippinis
Congregat. Hispaniæ Eremit. Discalc. S. Aug.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

& sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, caterisque contrariis quibuscumque.

Datum Romæ apud Sanctum Petrum sub Anulo Piscatoris die XXII. Martii MDCCI. Pontificatus nostri anno Primo.

XI.

Confirmatur Decretum Card. Protectoris de Procuratoribus, & Diffinitoribus Generalibus duarum Provinciarum in Insulis Philippinis Congregationis Hispaniæ Eremitarum Discalceat. Ord. S. Augustini.

De Privilegiis Procuratorum Generalium in Rom. Curia vide Inn. XI. ed. 1677. Dec. 11. P. 2. Et de Privilegiis Commissariorum vide sequentem.

CLEMENS PAPA XI.

Ad futuram rei memoriam.

Nuper pro parte dilecti filii Joannis Antonii a S. Augustino Procuratoris Generalis Provinciæ S. Nicolai de Tolentino in Insulis Philippinis Congregationis Hispaniæ fratrum Eremitarum Ordinis S. Augustini Discalceatorum nuncupatorum Congregationi Venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositæ, exposito, quod cum Procuratores Generales d. S. Nicolai, ac Candelariæ alterius Provinciæ in prædictis Insulis Philippinis, seu Terra firma ejusdem Congregationis Hispaniæ coram Tribunalibus, nomine suarum Provinciarum comparere, omniaque illarum bona administrare soliti ex Religiosis literarum scientia præditis, & magis benemeritis eligi consueverint, vocemque, & votum, sive suffragium in Capitulis Provincialibus dictarum Provinciarum antehac semper habuissent, sed paucis abhinc annis voto hujusmodi carerent, hinc vero multa inconuenientia sequerentur, Capitulum, & Diffinitorium Generale dictæ Congregationis decreverat, ut deinceps Procuratores prædicti dictum votum, sive suffragium semper haberent, & alias prout in patentibus literis desuper emanatis uberius dicebatur contineri. Porro in omnibus Capitulis Generalibus dictæ Congregationis Hispaniæ ab anno 1672. usque ad annum proxime præteritum celebratis a Generali Diffinitorio decretum pariter fuerat, ut cuilibet dictarum duarum Provinciarum unus Diffinitor generalis, sicut omnibus aliis Provinciis Hispaniæ ejusdem Congregationis concederetur, itaut si aliquis eorundem duarum Provinciarum filius aptus, & idoneus in Hispania reperiretur, is assumi, sin minus ex Fratribus prædictarum Provinciarum Hispaniæ duo Diffinitores Generales hujusmodi pro dictis duabus Provinciis eligi deberent, ac proinde ipse Joannes Antonius, attento, quod Decretum hujusmodi, ne hæc duæ Provinciæ suis Diffinitoribus in Capitulis Generalibus dictæ Congregationis Hispaniæ defraudatæ remanerent, sed ut sic Diffinitorium generale perfectum, & completum redderetur, convenientissimum esset, illud, ac aliud prænarratum Decretum ad favorem prædictorum Generalium emanatum auctoritate prædictæ Congregationis Cardinalium confirmari, ac concedi, ut dictæ duæ Provinciæ suos Diffinitores Generales hujusmodi cum voce, & præminentis, sicut omnes aliæ prædictæ Provinciæ Hispaniæ, ac dicti Procuratores Generales vocem pariter, & votum, sive suffragium in omnibus memoratis Capitulis Provincialibus haberent summopere desiderabat: eadem Con-

gregatio Cardinalium attenta relatione dilecti filii nostri Josephi Renati dictæ S. R. Eccl. Cardinalis Imperialis nuncupati prædicti Ordinis apud nos & Sedem Apostolicam Protectoris sibi super præmissis facta per solum Decretum die 18. Februarii proxime præteriti editum eidem Josepho Renato Cardinali, & Protectori benigne remisit, ut veris existentibus narratis, & quatenus expedire censuisset, prædictum Decretum Diffinitorii Generalis pro suo arbitrio, & prudentia approbaret, atque confirmaret; Unde ipse Josephus Renatus Cardinalis Protector in vim facultatis sibi sic attributæ suum quoque in præmissis Decretum edidit tenoris, qui sequitur, videlicet: Joseph Renatus S. Georgii in Velabro Sanctæ Romanæ Ecclesiæ Diaconus Cardinalis Imperialis & totius Ordinis S. Augustini Protector - Vigore commissionis, & facultatis a Sacra Congregatione Episcoporum, & Regularium emanatæ, & de veritate, ac rationabilitate expositorum factis instructi, confirmamus supradictum Decretum Capituli, & Diffinitorii Generalis Congregationis Discalceatorum S. Augustini Hispaniæ, & Indiarum, & concedimus, ut Procuratores Generales Provinciarum S. Nicolai de Tolentino in Philippinis, & Candelariæ in Terra firma habere semper possint, & habeant votum, & vocem in omnibus Capitulis Provincialibus suarum Provinciarum. Pariter confirmamus aliud Decretum, seu Decreta ejusdem Capituli generalis, & concedimus, ut pro quolibet dictarum Provinciarum S. Nicolai, & Candelariæ eligatur unus Diffinitor generalis, prout in aliis Provinciis Hispaniæ, qui inter cæteros Diffinitores generales annumeretur, iisdemque privilegiis, juribus, & facultatibus potitur. Volumus autem, ut præfati duo Diffinitores eligi debeant ex filiis dictarum Provinciarum S. Nicolai, & Candelariæ respective, quatenus tempore electionis reperiantur in Hispania aliqui ex iis apti, & idonei ad munus Diffinitoris suscipiendum, sin minus eligantur alij ex Provinciis Hispaniæ pro supradictis Provinciis Diffinitores. Quæ quidem Decreta sic, ut supra, auctoritate jam dicta a Nobis confirmata, & approbata, perpetuis temporibus observari volumus, & mandamus; Non obstantibus quibuscumque. Sic, &c. Datum Romæ ex ædibus nostris hac die 28. Februarii 1704. I. R. Card. Imperialis.

§. 1. Cum autem, sicut dictus Joannes Antonius Nobis subinde exponi fecit, ipse Decretum hujusmodi, quo firmus subsistat, Apostolicæ confirmationis Nostræ patrocinio communiri summopere desideret: Nos ipse Joannis Antonii votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum a memorato Josepho Renato Cardinale, & Protector editum, ut præfertur auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intevererint, supplemus.

§. 2. Decernentes easdem præsentem Literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & in futurum quancumque spectabit in omnibus, & per omnia plenissime suffragari, & ab

Dat. 15. Apr. 1701. An. 1.

Ex decretis Diffinitorii Gen. restitutum fuit suffragium dd. Procuratoribus Gen. Provinciarum S. Nicolai, & Candelariæ.

Item cuilibet dd. duarum Provinciarum concessus fuit unus diffinitor Gener.

Preces Proc. Gen. S. Congregationi, & Reg. oblatæ pro confirmatione prædd. Decretorum.

Decretum Card. Protectoris auctoritate sibi a d. Congregatione legatæ editum confirmatum memorata Decreta Capitulum.

Preces Proc. Gen. Pontifici oblatæ pro confirmatione relati Decreti.

Confirmatio Decreti Card. Protectoris.

Clausula.

eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, duarum Provinciarum, & Ordinis hujusmodi, etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Anno Piscatoris die XV. Aprilis MDCCI. Pontificatus Nostri Anno Primo.

XII.

Confirmatur Decretum Cardin. Protectoris de Privilegiis Commissariorum duarum Provinciarum in Insulis Philippinis Eremitarum Sancti Augustini Discalceatorum Congregationis Hispaniæ.

De Procuratoribus, & Diffinitoribus ad Provinciarum vide Constitutionem præcedentem. Item sequentem ubi agitur de Vocalibus in Capitulis.

Dat. 15. Apr. 1701. An. 1.

CLEMENS PAPA XI.

Ad futuram rei memoriam.

Nuper pro parte dilecti filii Joannis Antonii a Sancto Augustino Procuratoris Generalis Provinciæ S. Nicolai de Tolentino in Insulis Philippinis Congregationis Hispaniæ Fratrum Eremitarum Ordinis Sancti Augustini Discalceatorum nuncupatorum Congregationi Vener. Fratrum nostrorum Sanctæ Romanæ Ecclesiæ Cardinalium negotiis, & consultatibus Episcoporum, & Regularium præpositæ exposito, quod cum Capitulo, & Diffinitorio Generali dictæ Congregationis Hispaniæ proxime celebrato convenientissimum visum fuisset, ut Commissariis, qui ex Insulis prædictis ad Hispanias ad deducendos Religiosos pro instruendis fidelibus illarum partium in Ministeriis Fidei mitti solebant, aliquod præmium assignaretur, alioquin nullus Religiosus inveniretur, qui propter viginti sex millium, & amplius milliarium dictarum Insularum ab Hispania distantiam tam longum iter suscipere vellet, decreverat, ut Commissarii tam dictæ S. Nicolai, quam Candelariæ alterius Provinciæ in prædictis Insulis, seu Terra firma ejusdem Congregationis Hispaniæ, qui statim atque in Hispaniam præmissorum causa pervenissent Exemptionibus Exprovincialium, ac voce, & voto, sive suffragio in omnibus Capitulis Provincialibus earundem Provinciarum perfrui valerent, quibus tamen uti nequirent, si in Hispania diutius remanerent, & in eisdem Provinciis congruo tempore reverti nollent; Ideoque pro parte ejusdem Joannis Antonii eidem Cardinalium Congregationi supplicato, ut Decretum hujusmodi, quo iidem Religiosi ad sponte exercendum hoc charitatis opus invitabantur approbare, & confirmare dignaretur; Eadem Congregatio Cardinalium attentata relatione dilecti filii nostri Josephi Renati ejusdem

S. R. Eccl. Cardinalis Imperialis nuncupati dicti Ordinis apud Nos, & Sedem Apostolicam Protectoris sibi super præmissis facta per suum Decretum die 18. Februarii proxime præteriti editum eidem Josepho Renato Cardinali, & Protectori benigne remisit, ut veris existentibus narratis, & quatenus expedire censuisset, prædictum Decretum Diffinitorii generalis pro suo arbitrio, & prudentia approbare, & confirmaret; Ipse vero Josephus Renatus Cardinalis & Protector in vim facultatis sibi sic attributæ suum quoque in præmissis Decretum edidit, tenoris, qui sequitur videlicet -- Joseph Renatus S. Georgii in Velabro Diaconus Cardinalis Imperialis, & totius Ordinis S. Augustini Protector. Vigore superscriptæ commissionis, & facultatis a Sacra Congregatione Episcoporum, & Regularium emanatæ, & de veritate, & rationabilitate expositorum satis instructi, confirmamus supradictum Decretum Capituli, & Diffinitorii generalis Congregationis Discalceatorum Sancti Augustini Hispaniæ, & Indiarum, & concedimus, ut Commissarii, quos Provinciæ Sancti Nicolai de Tolentino in Philippinis, & Candelariæ in Terra firma mittunt in Hispaniam ad deducendos in easdem Provincias Religiosos, qui illuc fideles instruant, & in vinea Domini laborent, vocem, & votum habeant in Capitulis Provincialibus suarum Provinciarum, necnon honoribus, Privilegiis, & Exemptionibus eorum, qui fuerunt Provinciales in omnibus, & per omnia fruuntur, & gaudeant, statim, ac in Hispaniam pervenerint; quibuscumque in contrarium non obstantibus. Volumus autem, ut si prædicti Commissarii congruo tempore in suas Provincias non redierint, ita ut integrum Missionis suæ munus actualiter non expleverint, statim eadem privilegia, honores & immunitates amittant, iidemque privati, & spoliati ipso facto sint, & esse intelligantur quacumque causa, colore, vel prætextu non obstantibus. Et ita &c. Datum Romæ ex ædibus nostris hac die 28. Febr. 1701. I. R. Cardinalis Imperialis. Loco ✠ Sigilli.

§. 1. Cum autem, sicut dictus Joannes Antonius Nobis subinde exponi fecit, ipse Decretum hujusmodi, quo firmiter subsistat, Apostolicæ confirmationis Nostre patrocinio communiti summo desiderio desideret: Nos ipsius Joannis Antonii votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum a memorato Josepho Renato Cardinale, & Protectore editum, ut præfertur, auctoritate Apostolica, tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & in futurum quandocumque spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Decretum Card. Protectoris auctoritate Congregatum confirmans Decretum Diffinitorii.

Preces Proc. Gen. Pontifici oblate pro rehati Decreti confirmatione.

Confirmatio Decreti Cardin. Protectoris.

Clausula.

Ex Decreto Diffinitorii Gen. concessum fuit suffragium, ac etiam exemptiones Exprovincialium Commissariis ad Provinciarum S. Nicolai, & Candelariæ.

Preces Proc. Gen. Congregationis Episcoporum, & Regularium oblatæ.